

سوبر هاتريك .. الحلقة) 81 (.. #ريمونتادا .. د . حازم شومان

حازم شومان

تاريخية تاريخية تاريخية مستحيل السلام عليكم ورحمة الله وبركاته. شبابنا وبناتنا كل سنة وانتم طيبين. وكل عام وانتم بخير. دائما التاريخ يصنع المستقبل. بليه يا شباب مهما اتركنا بقى عن ميسي ورونالدو ونيمار وابراهيموفيتش كل ده دائما التاريخ يبقي حاجة تانية خالص. بليه يا جماعة. بليه هو اكبر - [00:00:00](#)

في تاريخ الكورة كلها اكرر لعيب جاب اجوان في التاريخ. الف متين ثلاثة وتمانين جون. على فكرة بليه حقق هاتريك اتنين وتسعين مرة اتنين وتسعين مباراة جاب فيهم ثلاث اهداف. يعني بليه فاز بكاس العالم الفريق بتاعه ثلاث مرات. فطبعاً تاريخ ما فيش اي حد من الموجودين - [00:00:30](#)

على مستوى الكورة يقدر يحصل بيريه. الوقتي بيتكلموا في السوبر هاتريك بقى انك تجيب اربع تجوان ودي حصلت كتير. وهو ده موضوع حلقة النهارده انك تبقي سوبر هاتريك انك تبقي سوبر هاتريك من كتر ما تتوب لربنا ربنا بيقول غافر الذنب وقابل التوب. التوب جمع التوبة. يعني مش تاب مرة ولا اتنين ولا ثلاثة واربعة - [00:00:50](#)

اه ده هو بيقع كتير في المعاصي وكل ما يقع يتوب. فبقى سوبر هاتريك. بقى بيتوب لربنا كل ما يحصل زنب. وخدي بالك ان التوبة دي اعظم عمل تتقربي به الى الله سبحانه وتعالى. تقدري تبقي تتعبدى لقابل التوب انك تتوبي كل ما تقعي. يعني تبقي صبر هاتريك. بس سوبر هاتريك - [00:01:10](#)

لان التوبة دي اخطر جون بيحي في المقص في شبكة الشيطان. اكرر جون الشيطان ما يقدرش يستحمله ويبدوب بسببه وبيموت بسببه وبيتقهر بسببه الجون بتاع التوبة عايزك تبقي سوبر هاتريك من كتر التوبة. ولا تياس ابدأ ابدأ. يا الشيطان يياس منك يا انت يا تياس منه. خلي - [00:01:30](#)

الشيطان هو اللي يياس منك. خلي الياأس قل لليأس اياأس مني يا يأس لان انا مش هبطل توبة. انا سوبر هاتريك انا بيله جاب الف متين ثلاثة وتمانين انا هاتوب الف متين ثلاثة وتمانين مرة. هو جابها انا هابقى سوبر سوبر سوبر هاتريك في التوبة الى الله. التوبة يا شباب. التوبة موضوع خطير جدا جدا - [00:01:50](#)

شوفي ربنا سبحانه وتعالى بيقول ايه؟ قل يا عبادي الذين اسرفوا على انفسهم لا تقنطوا من رحمة الله. يعني ايه توبة؟ توبة بكل بساطة يعني واحد راكب قطر عايز تروح اسكندرية. اكتشفوا ان هو طالع اسوان عكس الاتجاه. اول خطوة يعملها ان هو يقف. ان هو ينزل في اقرب محطة. وبعد كده يلف الناحية الثانية ويركب القطر اللي راجع - [00:02:10](#)

التوبة ان واحد ماشي في طريق غلط يقف. وبعد كده يعمل يوتيرن ويقوم بقى منطلق في الطريق الجديد. هي دي التوبة التوبة يعني واحد دخل حودة غلط من على الطريق. اول حاجة يعملها يقف. وبعد كده يرجع بالراحة عشان ما يخبطش في عربية جاية من وراه. واول ما يمك الطريق السليم - [00:02:30](#)

منطلق وطاير هي دي التوبة. خايف من ربنا مهما كان الواحد عمل ربنا ارحم الراحمين. ربنا ما فيش حاجة بيفرح بها اكرر من فرحته بالتائب فرحته بتتعب اكرر من فرحته بيقوم الليل. ربنا سبحانه وتعالى يعني اللي خايف من ربنا او خايفة من ربنا بسبب الزنوب اللي عملها زي واحد كده ابوه ملك في - [00:02:50](#)

لك. وبعد كده قال ابويا بيتحكم في ليه؟ عشان يديني فلوس عشان يعينني في مركز ساب المملكة وهرب. قال انا عايز اعيش في بلد ما فيش فيها اي مشاكل فيها حد بيحكممني ولا فيها حد بيقول لي افعل ولا تفعل. سافر اتلطم واتبهل ودائي المر كله. بعد سنين قال

انا اتلظمت. يا ريتني كنت سمعت كلام ابويا - 00:03:10

وحكم ابويا وهو راجع للمملكة مكسور ومقهور قاعد يفكر يا ترى الملك هيعمل في ايه؟ يا ترى يسجنني؟ يا ترى يطردني برة؟ يا ترى هيمعني ادخل وهو قاعد يفكر فوجئ ان ابواب المملكة كلها مفتوحة. والملك بنفسه هو اللي نازل عشان يستقبله. من فرحته به.

وانت رايحة لربنا وراجعة له - 00:03:30

وانت بتقول راجع لك يا رب انت مش عارف فرحة ربنا بك قد ايه الوقتي وانت بتاخذ قرار التوبة الوقتي وربنا فرحان بك. من فوق سبع سماوات اعظم فرحة انت الوقتي لو انت في لحظة التوبة انت في اكثر لحظة دعائك يستجاب فيها. قل يا عبادي اسرفوا على انفسهم في نفس السورة سورة الزمر. ربنا بيقول - 00:03:50

قل يا عبادي الذين امنوا يعني الناس اللي ماشية في الطريق الصح ربنا بيقول لهم يا عبادي الذين امنوا والناس اللي ماشية في الطريق الغلط ربنا بيقول لهم يا عبادي الذين اسرفوا - 00:04:10

انتم عبادي زي ما دول عبادي. اوعوا تفتكروا ان دول عبادي وانتم مش عبادي. انتم عبادي بس ارجعوا لي. الذين اسرفوا على انفسهم. انت لما اذنبت اذنبت على نفسك. انت - 00:04:20

انت شيلت نفسك حمول زيادة انت ارهقت نفسك. انا اريد انك تتوب عشان تترحم من عواقب الذنوب. العلماء سموا الاية دي ارجى اية في كتاب الله اعظم اية فيها رحمة في كتاب الله. ربنا ما قالش قل يا زناه. قل يا سرقة. قل يا مرتشين. قل يا فاعلي قل يا عبادي - 00:04:30

نسبهم باعظم لفز واقرب لفز الى الله. انتم عبادي وانا ارحم الراحمين. بس تعالوا واحد راح للنبي عليه الصلاة والسلام. راجل كبير قال له يا رسول الله ارايت من فعل الذنوب كلها. واحد عمل كل حاجة يا رسول الله وزنا عمل كل حاجة يا رسول الله. وشرب خمرة ارايت من فعل الذنوب - 00:04:50

كلها هل لذلك من توبة؟ الراجل ده يتوب. فالنبي عليه الصلاة والسلام فهم ان الراجل بيتكلم عن نفسه بس مكسوف. قال له اتفعل الحسنات وتترك السيئات؟ ايه رأيك نعمل صفقة جديدة؟ ايه رأيك - 00:05:10

نعمل ديل جديد انك انت تسيب السيئات وتبدأ تعمل حسنات وتبدأ صفحة جديدة مع الله. فجعلوهن الله لك خيرات. ربنا يخلي كل الشهادات كل السوابق بتاعتك في ملفك عبارة عن شهادات تقدير في السي في بتاعك. ربنا يقلب لك كل المصايب اللي انت عملتها قبل كده حاجات خير - 00:05:20

زي واحد من الدعاء دخل مرة في حبس كده فواحد مجرم جنائي فيقول له انا اتوب ازاى انا ما ينفعش اتوب. قال له ده انا بحسدك. قال له ليه؟ قال له انت عندك ملايين السيئات. لو انت - 00:05:40

دلوقتي ربنا يقلبها لك ملايين الحسنات. هتبقى مليونير من اولها يا بختك يا بختك على انك هتبدأ طريق الطاعة مليونير. فالرسول عليه الصلاة والسلام قال له اتفعل الخيرات وتترك السيئات فيجعلهن الله لك خيرات. فالراجل عليه الصلاة والسلام قال له يا رسول الله - 00:05:51

وغدراتي وفجراتي الراجل فقد صوابه. واعترف ان هو اللي بيسأل عن نفسه. وغدراتي وفجراتي. قال وغدراتك وفجراتك. الراجل ساب النبي وهو قاعد يهتف الله اكبر الله اكبر الله اكبر. ايه الرحمة دي يا رب؟ قل يا عبادي الذين اسرفوا على انفسهم لا تقنطوا من رحمة الله. احيانا - 00:06:05

واحد عاصي كده فتيجي تقول له ادع ربنا في المشكلة يقول لك انا ما استاهلش ان ربنا يديني. ما هو ربنا مش بيديك لانه تستاهل. ربنا بيديك لان ربنا رؤوف رحيم - 00:06:25

سبحانه وتعالى لا تقنطوا من رحمة الله في الدنيا ولا في الآخرة. رحمة ربنا ان ربنا يغفر لك ويفتح لك طريق جديد اليه. دي رحمة ورحمة ربنا انه يستجيب دعائك - 00:06:35

ورحمة ربنا انه يقف معك في المشاكل. ورحمة ربنا انه يرزقك. ورحمة ربنا انه يا رب كل ده كل ده بس ان ترجع انه كان بي حفيا.

هستقبلك حفاوة واكرام رهيب. لا تقنطوا من رحمة الله. ان الله يغفر الذنوب جميعا. لو كل الديسكوهات والنايت كلبات والبارات -

[00:06:45](#)

والاستديوهات اللي اتصور فيها افلام وحشة لو كل الذنوب دي اتجمعت. ودمعت توبة واحدة وقعت عليها تحرق الذنوب دي كلها. انه هو الغفور الرحيم رحيم. يعني اعمل ايه يا رب؟ خد القرار. اقفي ما تكمليش في السكة الغلط دي. طب وبعد كده اعمل ايه؟ اليوتيرن بقى. وانيبوا الى ربكم واسلموا - [00:07:05](#)

انيبوا لفي وارجعي بقى. خلاص انت وقفتي عن السكة الغلط لفي وارجعي. انيبوا تعالي بقلبك بقى واسلموا لها. سلمي بقى للحلال والحرام. من كل قبل ان يأتىكم العذاب ثم لا تنصرون. اصل الموضوع جد. هو مش كله حنان بس مش كله يا عبادي ولا تقنطوا. من قبل ان يأتىكم العذاب ثم لا تنصرون - [00:07:25](#)

اصل انت لو فضلت مكلمة تحصل مصيبة. طب لو وقفت وما كملتش اوضاع مموهة اوضاع ممبوعة. هتيجي بعد كده وتفتني تاني. يلا لفي بسرعة واخرجي اخرج من بركة الطين اخلع بقى انقز نفسك بقى. يا شباب وانيبوا الى ربكم واسلموا. طب بعد ما عملت اليوتيرن يلا - [00:07:45](#)

اركب الصاروخ وانطلق في الطريق الصح. واتبعوا احسن ما انزل اليكم من ربكم. يا رب يا رب ده انا لسة في الاية اللي قبلها بتقول الذين اسرفوا على انفسهم الحب ده انا جاي من الوحل. يا رب ده انا عملت كل حاجة. تقول لي اتبعوا احسن ما انزل اليكم. اتبع القمة ايوة طبعا لازم تبدأي بداية قوية. انت بطة اصلا. انت - [00:08:05](#)

ما كانش مجالك الطريق اللي انت ماشي فيه. انت مكانك اعلى من كده وطاقتك والخير اللي جواك اعلى من كده. وايمانك بالخير اللي جواك جزء من ايمانك بالله يلا بقى اتبعوا احسن ما انزل اليكم من ربكم من قبل ان يأتىكم العذاب بغتة. يعقوبة زنب يموت فجأة يا عذاب الآخرة والعياذ بالله - [00:08:25](#)

ثم من قبل ان يأتىكم العذاب بغتة وانتم لا تشعرون. ان تقول نفس يا حسرة على ما فرطت في جنب الله. انا ليه خليت الدين في جنب انا ليه خليت الدين في ناحية وانا في ناحية؟ وان كنت لمن الساخرين ده انا مش بس كنت بعيد عن الدين كنت بتريق من المحجبات كنت بتريق على - [00:08:45](#)

والملتزمات يبقى اول ما يلاقي نفسه بعس يوم القيامة يا حسرتاه على ما فرطت في جنب الله. وان كنت لمن الساخرين او تقول لو ان الله لكنت من المتقين. لما يشوف المؤمنين يبشربوا من ايد النبي. لما يشوف المؤمنين بينظروا لوجه الله. لما يشوف المؤمنين رايعين زمر على النجائب للفردوس الاعلى - [00:09:05](#)

لو فرحانين يقول يا ربني كنت مع دول او تقول لو ان الله هداني لكنت من المتقين. او تقول حين ترى العذاب لما يقف على جهنم بقى. او حين ترى العذاب لو ان لي كرة فاكون من المحسنين. رجعني يا رب وانا اقطع سجاجيد الصلاة. رجعني يا رب ارجع بلى قد جاءك اياتي - [00:09:25](#)

كان قدامك فرص كتير اوي وبعث لك رسايل ربانية كتير اوي التوبة يا شباب. التوبة العاصي ده عامل زي اللي حامل في جنين ميت هينزل هينزل. العاصي ده عامل زي واحد عايز يروح اسكندرية. جاب العربية مارشيدير وداس بنزين في اتجاه اسوان - [00:09:45](#) عكس الاتجاه ده ماشي عكس السعادة. ده ماشي عكس النجاح والفلاح والطمانينة ده بيخسر كل حاجة. ده بيضيع كل حاجة. لو واحد واقف على ارض الحديد وفيها سلك. السلك ممدود في ايدي بكبس ثلاث تلاف فولت وزعلني. انا ممكن اعمل فيه ايه؟ انت احتياجك لربنا اخطر من احتياج الراجل ده - [00:10:02](#)

للي في ايده الكبس اللي في حياته وموته. احنا محتاجين ربنا يا شباب. تخيلوا كده لو شاب قاعد يذاكر ليلة الامتحان وبيموت نفسه من المذاكرة وهو قاعد من المذاكرة كده فلقى اصحابه اللي معه في شقة الطلبة نازلين نازلين نلعب شوية ونجري شوية. يجروا شوية! يا عم بكرة الامتحان امتحان! يا عم كبر! يا عم - [00:10:22](#)

المجانين يا عم سيبك منهم ارجع زاهر شوية لقي بقت دفعة فايئة عليه من تحت. يا فلان فيه ايه! انزل يالا ننزل نتفسح ونسافر

وناكل اكلة حلوة. اكلة حلوة مين يا عم بكرة - 00:10:42

امتحان يا عم كبر. هو في الآخر هيكبر. لانه لقي كل اللي حواليه مكبرين. يبقى سبب ان احنا بنتمادي في عدم التوبة ايه؟ ان كل حوالينا مكبرين ان كل اللي حوالينا من صحبة بعيد عن ربنا ونايم مش خايف ومش بيعيط من الخوف من خشية الله سبحانه وتعالى وان هو يموت على كده او يعيط - 00:10:52

على كده يبقى الحل ما اصاحبش الناس المتكبرة. اصاحب الناس اللي عايزة ترجع لربنا والناس اللي عايزة توصل لربنا. رصيدك خلص. بس الحساب لسة ما خلصش الكلمة دي بترعنا يا جماعة تخيلي وانت ماشية على الصراط كده لو نفذ رصيدك هتعملي ايه. عشان كده المؤمنين على الصراط بيقلولوا ربنا اتمم لنا نورنا واغفر لنا. لما يلا - 00:11:12

ناس رصيدها خلص على الصراط والنور بتاعها خلص وفي نص الصراط وقعت في النار. تخيل رصيدك خلص بس الحساب لسه مخلصش. فيه ناس الرسول ده بيخلص على القنطرة معه حسنات عدت بها من على الصراط. يلاقوا اللي اغتابوهم واللي شتموهم واللي ظلموهم جايين هاتوا حسنات هاتوا حسنات. رصيدك - 00:11:32

خلص بس الحساب لسة ما خلصش. فيه ناس راصدها وبيخلص في القبر وهم في القبر الرصيد بتاع الحسنات ما يكفيش انهم ينجوا من عذاب القبر ولا من ملايكة العذاب في - 00:11:52

القبر رصيدك خلص بس الحساب لسة ما خلصش عفوا لقد نفذ رصيدكم. هتعملي ايه؟ لو رصيدك خلص في ارض المحشر وما انك تقفي في ظل عرش الله. وجيتي تستغيثي بالله انك تقفي في المقصورة الملكية في ظل عرش الله مش مستحيلة شمس القيامة. لقيت الملايكة بتقول لك رصيدك - 00:12:02

بس الحساب لسة ما خلصش. طب لو على الميزان الرصيد خلص. حسنة سيئة حسنة سيئة حسنة سيئة ياه! ما فيش سيئة سيئة سيئة سيئة كافة السيئات. طبت يا رب شوية حسنات. رصيدك خلص. بس الحساب لسة ما خلصش - 00:12:22

عفوا لقد نفذ رصيدكم. لو حصل الرصيد بتاع الحسنات نفذ على الصراط وما كفاش انه ينور لك لنهاية الطريق. لو رصيدك من الحسنات نفذ على القنطرة وما كفاش ان هو يسد المظالم اللي على العباد لك. عليك. لو رصيدك خلص على الميزان وما كفاش انه يطبب كفة الحسنات. لو رصيدك - 00:12:42

في القبر وما كفاش ان هو يرحمك من عذاب القبر. لو رصيدك خلص عند الموت وما كفاش انه يرحمك من تشديد سكرات الموت. لو رصيدك خلص في وما كفاش انه يوقفك في ظل عرش الله عفوا لقد نفذ رصيدكم. الرصيد خلص ولكن الحساب لسة ما خلصش. هنعمل - 00:13:02

يا جماعة توبة كلمة توبة دي كلمة كبيرة اوي كلمة طوبة دي كلمة جبارة. كلمة طوبة يعني واحد كان معدي من على الصراط والدنيا ضلعت. والطريق ضاق والسنة اللهب بتاعة جهنم حواليه. وبتتخطف الناس - 00:13:22

في النار وهو خلاص ايقن بالهلاك فجأة النور جه. وفجأة الصراط وسع. وفجأة الملايكة خدت بايديه. ايه اللي حصل؟ اصله تاب. كان ماشي في طريق ضلعة لما تاب ربنا وسع عليه الطريق. توبة. يعني واحد دخل القبر. القبر ضلم عليه. والعياذ بالله. والخلاص دي اضلاعه بتختلف - 00:13:35

القبر ضاق وبدأ يتفتح نار للعذاب. وفجأة القبر وسع ونور وافتتح. وافتتح له باب للجنة. ايه اللي حصل؟ اصله تاب. اصل انه تاب كان يروح في داهية في القبر ولكن لولا ان هو تاب ربنا فرج عنه. توبة يعني تحويل مسار. توبة يعني شفت ديلت للي فات. التوبة مش معناه - 00:13:55

انا اللي كنت بعمل معصية وسبتها. التوبة معناها ان انا باعمل تغيير شامل في حياتي. ان انا باعمل نيولوك في حياتي. ان انا بقيت انسان جديد. ان انا هغير كل حاجة هغير اهدافي. هغير ايه اولوياتك. ممكن تلاقي واحدة بتقول لك اولوياتي في الحياة. ان انا افضل جميلة طول عمري لحد ما يبقى عندي - 00:14:15

سبعين سنة وانا جميلة. طب وبعد كده ان انا اتجوز واحد راجل اعمال اعمل شوبينج من اي مول ما يقوليش ما عيش فلوس. وبعد

كده خلف عيال حلوين شبه الاطفال بتوع اعلانات البامبو - 00:14:35

طب ربنا رقم كم في حياتك؟ وانت اولوياتي ان انا اتخرج وانجح من المادة اللي سقطت فيها عشر سنين ورا بعض. وبعد كده اشتغل في شركة مالتى ناشيونال والبس الكرافتة بقى والبليزر بقى والحاجات الجميلة دي واركب العربية اللي شركة مسلمها لي. وبعد كده

اتجوز واحدة جميلة اتفسح واستمتع معها. وربنا رقم كم في - 00:14:45

ربنا رقم كم في حياتكم يا شباب؟ توبة يعني اولوياتنا تتغير. توبة يعني يا رب انا هارجع العلاقات تاني. وانت رجع لي العلاقات تاني. انا يا رب كل زنب انا عملته انا هتوب منه. وانت يا رب كل نعمة انا اتحرمت منها بسبب زنوبي انت ترجعها لي تاني يا رب. التوبة دي

كلمة كبيرة التوبة دي - 00:15:05

محور الحياة كلها. التوبة هي البداية والنهاية. ربنا يتوب علينا يا شباب. ربنا يتوب علينا جميعا. ربنا لا يخرجنا من رمضان الا وقد تاب علينا. وكفر ان سيئاتنا واعتق من النار رقابنا. رقابنا. العتق من النار يا جماعة. يعني واحد اتكتب اسمه في سجل الانتزار وقوائم

الانتزار على ابواب - 00:15:25

جهنم وخلص ليس بينه وبين دخول جهنم الا ان يموت بسبب المعاصي اللي عملها ويحصل عفو ملكي عنه ويتشال من قوائم الانتزار الجهنمية ويبقى من اهل الجنة التوبة كلمة كبيرة اوي. نفسنا نتوب يا شباب. ونفسنا نجدد التوبة يا شباب. عايزك تبقى سوبر هاتريك

ريمونتادا يا شباب. الريمونتادا بتاعة - 00:15:45

الليلة ركعتين بس. ركعتين توبة من قلبك. ركعتين توبة من قلبك تقول فيهم تبت اليك يا رب. وعاهدتك ان انا مش راجع تاني يا رب. طريقك هو طريقي وبابك هو الباب اللي هاقف عليه مدى حياتي وانا ما ليش غيرك انت ربي ومولاي وسيدي والهي. ومصدر النعم

الوحيد في حياتي. وانا ما عنديش طريق ولا مقصد - 00:16:05

غير انت يا رب انا بك واليك. يا رب. انت طريقي وهدفي وزادي وحصني وكنزي وسندي. ومقصدي وبغيتي يا رب. انت ركني الشديد وانت املّي الوحيد اجبرني يا رب بالتوبة. مهما الفتن احاطت بي ساعدني ان انا اتوب. وساعدني ان انا اثبت. اللهم يا مقلب القلوب

ثبت قلوبنا على دينك - 00:16:25

اللهم يا مقلب القلوب ثبت قلوبنا على طاعتك. اللهم يا مقلب القلوب ثبت قلوبنا على دينك. اللهم يا مصرف القلوب قلوبنا الى طاعتك انك ولي ذلك والقادر عليه سبحانه اللهم وبحمدك اشهد ان لا اله الا انت استغفرك واتوب اليك وجزاكم الله خيرا. كرة عرضية عالية

روني - 00:16:45

الله مستحيل مستحيل هذا لا كل يوم هذا لا يحدث كل يوم. هذا لا يحدث هنا - 00:17:10